



2. marts 2022

Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuningga apeqquteqaateqarpunga:

Naalackersuisunut apeqqutit:

EM2021/23 (Uranisiunnginnissaq) suliarineqarnerani Inuussutissarsiornermut Aatsitassanullu ataatsimiitsitaliaq apeqquteqaataanni 20. oktober ullulernerqarsimasuni Naalackersuisut akissuteqaammini, ukioq taanna 8. oktober 2021 avataaniit inatsisitigut naliliisimanernik eqqartuussisulerisoq (Advokatfirmaet) Poul Schmith-miit tigusaqarsimanerminnik eqqaasaqarsimangillat. Tamanna tunngavigalugu uani uku paserusupakka:

1. Pingasoriarluni (UKA 20221/23 Ataatsimiitsitaliap isumaliutissiissutaani ilanngussaq A apeqqummi 5,6 aamma 7) Inuussutissarsiornermut Aatsitassanullu ataatsimiitsitaliaq Naalackersuisut inatsisitigut naliliisitsisimanersoq aperivaat. Ataasiarluniluunniit Naalackersuisut sioqqutitsiarlugu (8. Oktober) eqqartuussisulerisumiit (Advokatfirmaet) Poul Schmith-miit inatsisitigut naliliisimanernik tigusaqarsimaneq eqqaanngilaat. Suna peqqutigalugu paasissutissat Inatsisartunut aalajangikkamik nipangiussimaneqarsimappat?
2. UKA2021/23 (uranisiunnginnissaq) suliarineqarnerani avataaniit inatsisitigut naliliisitsisimaneq soqutaanngitaanngitsutut Naalackersuisut tungaanniit isumarineqarpa?
 - a. Tamanna isumarineqarpat piumasarissavara Naalackersuisut tunngavilersueqqussavakka soq taava suliaritinneqarsimanersoq
 - b. Tamanna isumarineqarpat piumasarissavara Naalackersuisut nassuiaateqassasut soq paasissutissaq Inatsisartunut nipangiussimassallugu aalajangersimaneq
3. Naalackersuisut isumaqarnerlutik paasissutissaq taanna avataaniit inatsisitigut naliliisitsisimaneq nipangiunneratigut Inatsisartut Inatsisaat § 6 nr.6 13. Maj 1993-meersoq Naalackersuisunut ilaasortat akisussaanerit pillugu unioqqutinneqarsimasoq?
 - a. Taamatut isumaqartoqarpat kissaatigaara paasissallugu Naalackersuisut pineqartumut qanoq kinguneqartitsiniarnersut
 - b. Tamanna isumarineqanngippat kissaatigaara paasissallugu, Inatsisartut oqaluuserisassamik oqaluuserinninneranni paasissutissanik oqaluuserisap inatsisartunit aalajangiiffiqeqarnissaanut annertuumik pingaaruteqartunik soq Naalackersuisut tungaanniit pingaarutilittut isigineqannginnersut.

(Inatsisartunut Ilaasortaqaq Jens-Frederik Nielsen, Demokraatit)

Tunngavilersuut

§ 37 tunngavigalugu apeqquteqaammi normu 48/2022 Naalackersuisut paasissutissiippat 8. oktober 2021 avataaniit inatsisitigut naliliisitsinerit eqqartuussisulerisumiit Advokatfirmaet) Poul Schmith-miit



tigusaqarsimallutik, uranisiunnignissamut (UKA2021/23) eqqussinermi kingunerisinnaasaanik tunngassuteqartut.

Inuussutissarsiornermut Aatsitassanullu ataatsimiitsitaliap naak arlaleriartumik Naalakkersuisut inatsisitigut naliliisitsisimanersut apeqqutigisimagaluaraa, ataatsimiitsitaliamut akissuteqaatini 20. oktober 2021 ullulerneqarsimasut – tassa ullut 12 sioqqullugu, avataaniit inatsisitigut naliliisitsisimanerit eqqartuussisulerisumiit (Advokatfirmaet) Poul Schmith-miit Naalakkersuisut tigusaqarsimanernik eqqaasaqanngillat.

Naalakkersuisut paasissutissanik taakkuninnga Inatsisartunut nipangiussisimanerat pissusissamisoortinngilara. Aammalu Inatsisartut Inatsisaat nr.6 13. maj 1993-meersoq Naalakkersuisunut Ilaasortat akisussaataitaanerannut tunngasumut naapertuuttutut isiginngilara. § 6 issualarlara:

” § 6. Naalakkersuisunut ilaasortaq § 10 naapertorlugu pineqaatissinneqassaaq piaarluni imaluunniit mianersuaalliorujussuarnermigut Inatsisartut Naalakkersuisullu pillugit Inatsisartut inatsisaat inatsisilluunniit allat malillugit imaluunniit atorfimmi suunera malillugu imminut pisussaaffigisassanngortitaasut malillugit iliunngikkuni.

Imm. 2. Imm. 1-imi aalajangersagaq aamma atorneqartassaaq Naalakkersuisunut ilaasortaq eqqunngitsumik paasinerluutaasinnaasumilluunniit inatsisartunut paasissutissiisimappat imaluunniit inatsisartut oqaluuserisassamik oqaluuserinninneranni paasissutissanik oqaluuserisap inatsisartunit aalajangiiffigineqarnissaanut annertuumik pingaaruteqartunik nipangiussisimappat.”

Inatsi takusinnaasatsitit ersarilluinnarpoq. Inatsisartut oqaluuserisassamik oqaluuserinninneranni paasissutissanik oqaluuserisap inatsisartunit aalajangiiffigineqarnissaanut annertuumik pingaaruteqartunik Naalakkersuisut nipangiusseqqusaanngillat. Uangalu isumanni uani taamatut pisoqarsimavoq.

Apeqqutit ullut qulit suliffiusut iluanni akineqareersimanissaat kissaatigaara.